



Rabu, 23 Oktober 2024
Ogen: Markus 16:1-2



"SAKSI KEKEKEN JESUS"



Kisah kekeken Jesus ras diberu-diberu si jadi saksi kerna kekekenNa e me Maria Magdalena, Maria nande Jakup ras Salome nggo rulih-ulih si begi. Jadi saksi e dua damparna. Sada adi jadi saksi kerna kesuksesen banci ka kita dat pir-pirna, tapi adi jadi saksi kerna kasus criminal misalna, biasana mbiar nge kerina. Jadi pernah lit sekalak bibi br ginting, jadi saksi kasus kalak rubat. Emaka nggo naik kasus e ku laporen polisi, idilo me bibi enda ndai ku kantor polisi. Rumah nari bage kari ningku, nina bas ukurna. Tapi seh kenca i kantor polisi, lanai beluh ia ngerana, nggo nggir-nggir. Piah sungkuni polisi ndai pe ia enggo campur-campur bahasana, ban biarna. Jadi memang jadi saksi e penuh alu kejutan.

Saksi-saksi kekeken Jesus bas wari erpagi-pagi 2000 tahun si lewat pe seh kal senggetna. Sada perkara i luar nalar ras sura-surana. Sebab atena min ndai nama minak ku mayit Jesus, tapi batu galang tutup kubur nggo talang, mayit ndai lanai je. Antara kemamangen, mbiar ras meriah ukur sabap sikataken Tuhan ope IA mate, enggo jadi. Tapi amin gia campur-campur isi pusuhna e, tetap erberita ia man ajar-ajar kerna kejadiin e.

Kai si man pelajarenta selaku saksi kekeken Kristus bas masa gundari e. Ula mbiar, ula mamang ras tetaplah meriah ukur. Kalak si tek man Kristus, banci jadi guling, tapi yakinlah kuasa Tuhan banci erbahanca kita bangkit. Pegegehi kalak kerna sie, janah ola mamang di kune keke ia, sabap asum kita erberita KesahNa si erdahin. Ula mbiar erberita, gelah kerina kalak radu ipekeke pusuhna lako nembah man Tuhan. Tetaplah meriah ukur, diberu-diberu si iakap doni la meherga, tapi bas Dibata iergaken jadi saksi. Kita kerina pe mari ersaksi Jesus nggo keke, kita pe keke.



[The main body of the page is a large, blank white area with a wavy top edge, intended for writing.]